

嗟子卷 脣吻上食倫切 關善本 華界 切此送 於善本 鬱上烏九切
下無粉切 溝上古侯切 泗下況地切

大方廣佛華嚴經卷第六十九 首九

于闐國三藏沙門實叉難陀譯

入法界品第三十九之十

善美用刊

尔時善財童子了知彼娑珊婆演底夜神初
 發菩提心所生菩薩處所發菩薩願所淨菩
 薩度所入菩薩地所修菩薩行所行出離道

一切智光海普救眾生心普徧大悲雲於一
 切佛刹盡未來際常能出生普賢行願漸次
 遊行至普德淨光夜神所頂禮其足繞無數
 而於前合掌而作是言聖者我已先發阿耨
 多羅三藐三菩提心而我未知菩薩云何修
 行菩薩地云何出生菩薩地云何成就菩薩

地夜神答言善哉善哉善男子汝已能發阿
 耨多羅三藐三菩提心今復問於菩薩地修
 行出生及以成就善男子菩薩成就十法能
 圓滿菩薩行何者為十一者得清淨三昧常
 見一切佛二者得清淨眼常觀一切佛相好
 莊嚴三者知一切如來無量無邊功德大海
 四者知等法界無量諸佛法光明海五者知
 一切如來一一毛孔放等眾生數大光明海
 利益無量一切眾生六者見一切如來一一
 毛孔出一切寶色光明燄海七者於念念中
 出現一切佛變化海充滿法界究竟一切諸
 佛境界調伏眾生八者得佛音聲同一一切眾
 生言音海轉三世一切佛法輪九者知一切
 佛無邊名号海十者知一切佛調伏眾生不
 思議自在力善男子菩薩成就此十種法則
 能圓滿菩薩諸行善男子我得菩薩解脫
 名寂靜禪定樂普遊步普見三世一切諸
 佛亦見彼佛清淨國土道場眾會神通名号

說法壽命言音身相種種不同悉皆明觀而無取著何以故知諸如來非去非來非滅非來體性無生故非生法身平等故非滅無有生相故非實住如幻法故非妄利益眾生故非遷超過生死故非壞性常不變故一相言語悉離故無相性相本空故善男子我如

是了知一切如來時於菩薩寂靜禪定樂普遊步解脫門分明了達成就增長思惟觀察堅固莊嚴不起一切妄想分別大悲救護一切眾生一心不動修習初禪息一切意業攝一切眾生智力勇猛喜心悅豫修第二禪思惟一切眾生自性默離生死修第三禪悉能

首九

二

用

息滅一切眾生眾苦熱惱修第四禪增長圓滿一切智願出生一切諸三昧海入諸菩薩解脫海門遊戲一切神通成就一切變化以清淨智普入法界善男子我修此解脫時以種種方便成就眾生所謂於在家放逸眾生令生不淨想可厭想疲勞想逼迫想繫縛想

羅刹想無常想苦想無我想空想無生想不自在想老病死想自於五欲不生樂著亦勸眾生不著欲樂唯住法樂出離於家入於非家若有眾生住於空閑我為止息諸惡音聲於靜夜時為說深法與順行緣開出家門示正道路為作光明除其闇障滅其怖畏讚出

家業歎佛法僧及善知識具諸功德亦歎親近善知識行復次善男子我修解脫時令諸眾生不生非法貪不起邪分別不作諸罪業若已作者皆令止息若未生善法未修波羅蜜行未求一切智未起大慈悲未造人天業皆令其生若已生者令其增長我與如是順

道因緣乃至令成一切智智善男子我唯得此菩薩寂靜禪定樂普遊步解脫門如諸菩薩摩訶薩具足普賢所有行願了達一切無邊法界常能增長一切善根照見一切如來智力住於一切如來境界恒處生死心無障礙疾能滿足一切智願普能往詣一切世界

首九

三

悉能觀見一切諸佛徧能聽受一切佛法能
 破一切衆生癡闇能於生死大夜之中出生
 一切智慧光明而我云何能知能說彼功德
 行善男子去此不遠於菩提場右邊有一夜
 神名喜目觀察衆生汝詣彼問菩薩云何學
 菩薩行修菩薩道尔時普德淨光夜神欲重

宣此解脫義爲善財童子而說頌曰

若有信解心 盡見三世佛 彼人眼清淨
 能入諸佛海 汝觀諸佛身 清淨相莊嚴
 一念神通力 法界悉充滿 盧舍那如來
 道場成正覺 一切法界中 轉於淨法輪
 如來知法性 寂滅無有二 清淨相嚴身

徧示諸世間 佛身不思議 法界悉充滿
 普現一切刹 一切無不見 佛身常光明
 一切刹塵等 種種清淨色 念念徧法界
 如來一毛孔 放不思議光 普照諸群生
 令其煩惱滅 如來一毛孔 出生無盡化
 充徧於法界 除滅衆生苦 佛演一妙音

隨類皆令解 普雨廣大法 使發菩提意
 佛昔修諸行 已曾攝受我 故得見如來
 普現一切刹 諸佛出世間 量等衆生數
 種種解脫境 非我所能知 一切諸菩薩
 入佛一毛孔 如是妙解脫 非我所能知
 此近有夜神 名喜目觀察 汝應往詣彼

問修菩薩行

時善財童子頂禮其足繞無數而懇懇瞻仰
 辭退而去

尔時善財童子敬善知識教行善知識語作
 如是念善知識者難見難遇見善知識令心
 不散亂見善知識破障礙山見善知識入大

悲海救護衆生見善知識得智慧光普照法
 界見善知識悉能修行一切智道見善知識
 普能觀見十方佛海見善知識得見諸佛轉
 於法輪憶持不忘作是念已發意欲詣喜目
 觀察衆生夜神所時喜目神加善財童子令
 知親近善知識能生諸善根增長成熟所謂

首九

四

令知親近善知識能修助道具令知親近善知識能起勇猛心令知親近善知識能作難壞業令知親近善知識能得難伏力令知親近善知識能入無邊方令知親近善知識能久遠修行令知親近善知識能辦無邊業令知親近善知識能行無量道令知親近善知

識能得速疾力普詣諸刹令知親近善知識能不離本處徧至十方時善財童子速發是念由親近善知識能勇猛勤修一切智道由親近善知識能速疾出生諸大願海由親近善知識能爲一切衆生盡未來劫受無邊苦由親近善知識能被大精進甲於一微塵中

說法聲徧法界由親近善知識能速往詣一切方海由親近善知識於一毛道盡未來劫修菩薩行由親近善知識於念念中行菩薩行究竟安住一切智地由親近善知識能入三世一切如來自在神力諸莊嚴道由親近善知識能常徧入諸法界門由親近善知識

常緣法界未曾動出而能徧住十方國土尔時善財童子發是念已即詣喜目觀察衆生夜神所見彼夜神在於如來衆會道場坐蓮華藏師子之座入大勢力普喜幢解脫於其身上一一毛孔出無量種變化身雲隨其所應以妙言音而爲說法普攝無量一切衆生

首九

五

皆令歡喜而得利益所謂出無量化身雲充滿十方一切世界說諸菩薩行檀波羅蜜於一切事皆無戀著於一切衆生普皆施與其心平等無有輕慢內外悉施難捨能捨出等衆生數無量化身雲充滿法界普現一切衆生之前說持淨戒無有缺犯修諸苦行皆悉具足於諸世間無有所依於諸境界無所愛著說在生死輪迴往返說諸人天盛衰苦樂說諸境界皆是不淨說一切法皆是無常說一切行悉苦無味令諸世間捨離顛倒住諸佛境持如來戒如是演說種種戒行戒香普熏令諸衆生悉得成熟又出等衆生數種種

身雲說能忍受一切衆苦所謂割截捶楚訶罵欺辱其心泰然不動不亂於一切行不卑不高於諸衆生不起我慢於諸法性安住忍受說菩提心無有窮盡心無盡故智亦無盡普斷一切衆生煩惱說諸衆生卑賤醜陋不具足身令生厭離讚諸如來清淨妙色無上

之身令生欣樂如是方便成熟衆生又出等衆生界種種身雲隨諸衆生心之所樂說勇猛精進修一切智助道之法勇猛精進降伏魔怨勇猛精進發菩提心不動不退勇猛精進度一切衆生出生死海勇猛精進除滅一切惡道諸難勇猛精進壞無智山勇猛精進

供養一切諸佛如來不生疲厭勇猛精進受持一切諸佛法輪勇猛精進壞散一切諸障礙山勇猛精進教化成熟一切衆生勇猛精進嚴淨一切諸佛國土如是方便成熟衆生又出種種無量身雲以種種方便令諸衆生心生歡喜捨離惡意厭一切欲為說慙愧令

諸衆生嚴護諸根為說無上清淨梵行為說欲界是魔境界令生恐怖為現不樂世間欲樂住於法樂隨其次第入諸禪定諸三昧樂令思惟觀察除滅一切所有煩惱又為演說一切菩薩諸三昧海神力變現自在遊戲令諸衆生歡喜適悅離諸憂怖其心清淨諸根

言九

六

猛利愛重於法修習增長又出等衆生界種種身雲為說往詣十方國土供養諸佛及以師長真善知識受持一切諸佛法輪精勤不懈又為演說稱讚一切諸如來海觀察一切諸法門海顯示一切諸法性相開闡一切諸三昧門開智慧境界竭一切衆生疑海示智

慧金剛壞一切衆生見山升智慧日輪破一切衆生癡闇皆令歡喜成一切智又出等衆生界種種身雲普詣一切衆生之前隨其所應以種種言辭而為說法或說世間神通福力或說三界皆是可怖令其不作世間業行離三界處出見稠林或為稱讚一切智道令

其超越二乘之地或為演說不住生死不住涅槃令其不著有為無為或為演說住於天宮乃至道場令其欣樂發菩提意如是方便教化衆生皆令究竟得一切智又出一切世界微塵數身雲普詣一切衆生之前念念中示普賢菩薩一切行願念念中示清淨大願

充滿法界念念中示嚴淨一切世界海念念中示供養一切如來海念念中示入一切法門海念念中示入一切世界海微塵數世界海念念中示於一切刹盡未來劫清淨修行一切智道念念中示入如來力念念中示入一切三世方便海念念中示往一切刹現種

百九

七

種神通變化念念中示諸菩薩一切行願令一切衆生住一切智如是所作恒無休息又出等一切衆生心數身雲普詣一切衆生之前說諸菩薩集一切智助道之法無邊際力求一切智不破壞力無窮盡力修無上行不退轉力無間斷力於生死法無染著力能破

一切諸魔衆力遠離一切煩惱垢力能破一切業障山力住一切劫修大悲行無疲倦力震動一切諸佛國土令一切衆生歡喜力能破一切諸外道力普於世間轉法輪力以如是等方便成熟令諸衆生至一切智又出等一切衆生心數無量變化色身雲普詣十

方無量世界隨衆生心演說一切菩薩智行所謂說入一切衆生界海智說入一切衆生心海智說入一切衆生根海智說入一切衆生行海智說度一切衆生未曾失時智說出一切法界音聲智說念念徧一切法界海智說念念知一切世界海壞智說念念知一切

世界海成住莊嚴差別智說念念自在親近供養一切如來聽受法輪智示現如是智波羅蜜令諸衆生皆大歡喜調暢適悅其心清淨生決定解求一切智無有退轉如說菩薩諸波羅蜜成熟衆生如是宣說一切菩薩種種行法而為利益復於一一諸毛孔中出無

量種衆生身雲所謂出與色究竟天善現天
 善見天無熱天無煩天相似身雲出少廣廣
 果福生無雲天相似身雲出徧淨無量淨少
 淨天相似身雲出光音無量光少光天相似
 身雲出大梵梵輔梵衆天相似身雲出自在
 天化樂天兜率陀天須夜摩天忉利天及其
 姝女諸天子衆相似身雲出提頭賴吒乾闥
 婆王乾闥婆子乾闥婆女相似身雲出毗樓
 勒叉鳩槃荼王鳩槃荼子鳩槃荼女相似身
 雲出毗樓博叉龍王龍子龍女相似身雲出
 毗沙門夜叉王夜叉子夜叉女相似身雲出
 大樹緊那羅王善慧摩睺羅伽王大速疾力
 迦樓羅王羅睺阿脩羅王閻羅法王及其子
 其女相似身雲出諸人主及其子其女相似
 身雲出聲聞獨覺及諸佛衆相似身雲出地
 神水神火神風神河神海神山神樹神乃至
 晝夜主方神等相似身雲周徧十方充滿法
 界於彼一切衆生之前現種種聲所謂風輪

聲水輪聲火燄聲海潮聲地震聲大山相擊
 聲天城震動聲摩尼相擊聲天王聲龍王聲
 夜叉王聲乾闥婆王聲可脩羅王聲迦樓羅
 王聲緊那羅王聲摩睺羅伽王聲人王聲梵
 王聲天女歌詠聲諸天音樂聲摩尼寶王聲
 以如是等種種音聲說喜目觀察衆主夜神
 從初發心所集功德所謂承事一切諸善知
 識親近諸佛修行善法行檀波羅蜜難捨能
 捨行尸波羅蜜棄捨王位官殿眷屬出家學
 道行辱提波羅蜜能忍世間一切苦事及以
 菩薩所修苦行所持正法皆悉堅固其心不
 動亦能忍受一切衆生於已身心惡作惡說
 忍一切業皆不失壞忍一切法生決定解忍
 諸法性能諦思惟行精進波羅蜜起一切智
 行成一切佛法行禪波羅蜜其禪波羅蜜所
 有資具所有修習所有成就所有清淨所有
 起三昧神通所有入三昧海門皆悉顯示行
 般若波羅蜜其般若波羅蜜所有資具所有

首九

八

九

首九

九

清淨大智慧日大智慧雲大智慧藏大智慧
門皆悉顯示行方便波羅蜜其方便波羅蜜
所有資具所有修行所有體性所有理趣所
有清淨所有相應事皆悉顯示行願波羅蜜
其願波羅蜜所有體性所有成就所有修習
所有相應事皆悉顯示行力波羅蜜其力波

羅蜜所有資具所有因緣所有理趣所有演
說所有相應事皆悉顯示行智波羅蜜其智
波羅蜜所有資具所有體性所有成就所有
清淨所有處所所有增長所有深入所有光
明所有顯示所有理趣所有相應事所有簡
擇所有行相所有相應法所有攝法所知

法所知業所知刹所知劫所知世所知佛出
現所知佛所知菩薩所知菩薩心菩薩位菩
薩資具菩薩發趣菩薩迴向菩薩大願菩薩
法輪菩薩簡擇法菩薩法海菩薩法門海菩
薩法旋流菩薩法理趣如是等智波羅蜜相
應境界皆悉顯示成熟衆生又說此神從初

發心所集功德相續次第所習善根相續次
第所修無量諸波羅蜜相續次第死此生彼
及其名号相續次第親近善友承事諸佛受
持正法修菩薩行入諸三昧以三昧力普見
諸佛普見諸刹普知諸劫深入法界觀察衆
生入法界海知諸衆生死此生彼得淨天耳

聞一切聲得淨天眼見一切色得他心智知
衆生心得宿住智知前際事得無依無作神
足智通自在遊行徧十方刹如是所有相續
次第得菩薩解脫入菩薩解脫海得菩薩自
在得菩薩勇猛得菩薩遊步住菩薩想入菩
薩道如是一切所有功德相續次第皆悉演

說分別顯示成熟衆生如是說時於念念中
十方各嚴淨不可說不可說諸佛國土度脫
無量惡趣衆生令無量衆生生天人中富貴
自在令無量衆生出生死海令無量衆生安
住聲聞辟支佛地令無量衆生住如來地亦
時善財童子見聞如上所現一切諸希有事

百七

十

念念觀察思惟解了深入安住承佛威力及
 解脫力則得菩薩不思議大勢力普喜幢自
 在力解脫何以故與喜日夜神於往昔時同
 修行故如來神力所加持故不思議善根所
 祐助故得菩薩諸根故生如來種中故得善
 友力所攝受故受諸如來所護念故毗盧遮

那如來曾所化故彼分善根已成熟故堪修
 普賢菩薩行故尔時善財童子得此解脫已
 心生歡喜合掌向喜目觀察衆生夜神以偈
 讚曰

無量無數劫 學佛甚深法 隨其所應化
 顯現妙色身 了知諸衆生 沉迷嬰妄想

種種身皆現 隨應悉調伏 法身恒寂靜
 清淨無二相 爲化衆生故 示現種種形
 於諸蘊界處 未曾有所著 示行及色身
 調伏一切衆 不著内外法 已度生死海
 而現種種身 住於諸有界 遠離諸分別
 戲論所不動 爲著妄想者 弘宣十办法

一心住三昧 無量劫不動 毛孔出化雲
 供養十方佛 得佛方便力 念念無邊際
 示現種種身 普攝諸群生 了知諸有海
 種種業莊嚴 爲說無礙法 令其悉清淨
 色身妙無比 清淨如普賢 隨諸衆生心
 示現世間相

百九

十一

尔時善財童子說此頌已白言天神汝發阿
 耨多羅三藐三菩提心爲幾時耶得此解脫
 其已久如尔時喜目觀察衆生主夜神以頌

答曰

我念過去世 過於刹塵劫 刹号摩尼光
 劫名寂靜音 百萬那由他 俱脰四天下

其王數亦尔 各各自臨馭 中有一王都
 号曰香幢寶 莊嚴最殊妙 見者皆欣悅
 中有轉輪王 其身甚微妙 三十二種相
 隨好以莊嚴 蓮華中化生 金色光明身
 騰空照遠近 普及閻浮界 其王有千子
 勇猛身端正 日佐滿一億 智慧善方便

嬪御有十億 顏容狀天女 利益調柔意
慈心給侍王 其王以法化 普及四天下
輪圍大地中 一切皆豐盛 我時為寶女
具足梵音聲 身出金色光 照及千由旬
日光既已沒 音樂咸寂然 大王及侍御
一切皆安寢 彼時德海佛 出興於世間

顯現神通力 充滿十方界 放大光明海
一切剎塵數 種種自在身 徧滿於十方
地震出妙音 普告佛興出 天人龍神眾
一切皆歡喜 一一毛孔中 出佛化身海
十方皆徧滿 隨應說妙法 我時於夢中
見佛諸神變 亦聞深妙法 心生大歡喜

一萬主夜神 共在空中住 讚歎佛興出
同時覺悟我 賢慧汝應起 佛已現汝國
劫海難值遇 見者得清淨 我時便寐寤
即覩清淨光 觀此從何來 見佛樹王下
諸相莊嚴體 猶如寶山王 一切毛孔中
放大光明海 見已心歡喜 便生此念言

願我得如佛 廣大神通力 我時尋覺悟
大王并眷屬 令見佛光明 一切皆欣慶
我時與大王 騎從千萬億 眾生亦無量
俱行詣佛所 我於二萬歲 供養彼如來
七寶四天下 一切皆奉施 時彼如來說
功德普雲經 普應群生心 莊嚴諸願海

夜神覺悟我 令我得利益 我願作是身
覺諸放逸者 我從此初發 最上菩提願
往來諸有中 其心無忘失 從此後供養
十億那由佛 恒受人天樂 饒益諸群生
初佛功德海 第二功德燈 第三妙寶幢
第四虛空智 第五蓮華葢 第六無礙慧

第七法月王 第八智燈輪 第九兩足尊
寶嚴山燈王 第十調御師 三世華光音
如是等諸佛 我悉曾供養 然未得慧眼
入於解脫海 從此次第有 一切寶光剎
其劫名天勝 五百佛興出 最初月光輪
第二名日燈 第三名光幢 第四寶須彌

第五名華燄
第八天藏佛
如是等諸佛
無而計為有
世界蓮華燈
一一無量眾

第六号燈海
九光明王幢
我悉曾供養
從此復有劫
莊嚴極殊妙
我悉曾供養

第七熾然佛
十普智光王
尚於諸法中
名曰梵光明
彼有無量佛
尊重聽聞法

初寶須彌佛
四法震雷佛
七名法力光
第十功德雲
未能明了法
名為功德月

二功德海佛
五名法幢佛
八名虚空覺
如是等如來
而入諸佛海
尔時有世界

三法界音佛
六名地光佛
第九須彌光
我悉曾供養
次後復有劫
其各功德幢

彼中有諸佛
深心而敬奉
三功德須彌
第六光莊嚴
九名賢勝佛
我悉曾供養

八十那由他
初乾闥婆王
第四寶眼佛
第七法海佛
第十法王佛
然未得深智

我皆以妙供
二名大樹王
第五盧舍那
第八光勝佛
如是等諸佛
入於諸法海

此後復有劫
莊嚴悉殊妙
眾生少煩惱
二無礙力佛
第五名悲光
第八法輪光

名為寂靜慧
於中有千佛
眾會悉清淨
三名法界影
第六名戒海
九名光莊嚴

初金剛齋佛
次第而出興
初金剛齋佛
四号十方燈
第七忍燈輪
十名寂靜光

如是等諸佛
如空清淨法
次第復有劫
淨穢所共成
所說種種法
次名法海佛

我悉曾供養
遊行一切刹
名為善出現
億佛於中現
我皆能憶持
三名自在王

猶未能深悟
於彼修諸行
刹号香燈雲
莊嚴刹及劫
初名廣稱佛
四名功德雲

第五法勝佛
第八虚空音
第十無上士
我悉曾供養
次第復有劫
一切善分布

第六天冠佛
第九兩足尊
眉間勝光明
然猶未能淨
名集堅固王
有五百諸佛

第七智燄佛
名普生殊勝
如是一切佛
離諸障礙道
刹号寶幢主
於中而出現

我恭敬供養 求無礙解脫 最初功德輪
其次寂靜音 次名功德海 次名日光王
第五功德王 第六須彌相 次名法自在
次佛功德王 第九福須彌 第十光明王
如是等諸佛 我悉曾供養 所有清淨道
曾入盡無餘 然於所入門 未能成就忍

次第復有劫 名爲妙勝主 刹号寂靜音

衆生煩惱薄 於中有佛現 八十那由他

我悉曾供養 修行最勝道 初佛名華聚

次佛名海藏 次名功德生 次号天王髻

第五摩尼藏 第六真金山 第七寶聚尊

第八法幢佛 第九名勝財 第十名智慧

此十爲上首 供養無不盡 次第復有劫

名曰千功德 尔時有世界 号善化幢燈

六十億那由 諸佛興於世 最初寂靜幢

其次奢摩他 第三百燈王 第四寂靜光

第五雲密陰 第六日大明 七号法燈光

八名殊勝燄 九名天勝藏 十名大吼音

如是等諸佛 我悉常供養 未得清淨忍
深入諸法海 次第復有劫 名無著莊嚴
尔時有世界 名曰無邊光 中有三十六
那由他佛現 初功德須彌 第二虛空心
第三具莊嚴 第四法雷音 第五法界聲
第六妙音雲 第七照十方 第八法海音

第九功德海 第十功德幢 如是等諸佛

我悉曾供養 次有佛出現 名爲功德幢

我爲月面天 供養人中主 時佛爲我說

無依妙法門 我聞專念持 出生諸願海

我得清淨眼 寂滅定惣持 能於念念中

悉見諸佛海 我得大悲藏 普明方便眼

增長菩提心 成就如來力 見衆生顛倒

執常樂我淨 愚癡闇所覆 妄想起煩惱

行止見稠林 往來貪欲海 集於諸惡趣

無量種種業 一切諸趣中 隨業而受身

生老死衆患 無量苦逼迫 爲彼衆生故

我發無上心 願得如十方 一切十力尊

百九十四

進

首九

五

王

緣佛及眾生 起於大願雲 從是修功德
 趣入方便道 願雲悉彌覆 普入一切道
 具足波羅蜜 充滿於法界 速入於諸地
 三世方便海 一念修諸佛 一切無礙行
 佛子我亦時 得入普賢道 了知十法界
 一切差別門

善男子於汝意云何彼時轉輪聖王名十方
 主能紹隆佛種者豈異人乎文殊師利童子
 是也亦時夜神覺悟我者普賢菩薩之所化
 耳我於亦時為王寶女蒙彼夜神覺悟於我
 令我見佛發阿耨多羅三藐三菩提心自從
 是來經佛刹微塵數劫不墮惡趣常生人天
 於一切處常見諸佛乃至於妙燈功德幢佛
 所得此大勢力普喜幢菩薩解脫以此解脫
 如是利益一切眾生善男子我唯得此大勢
 力普喜幢解脫門如諸菩薩摩訶薩於念念
 中普詣一切諸如來所疾能趣入一切智海
 於念念中以發趣門入於一切諸大願海於

念念中以願海門盡未來劫念念出生一切
 諸行一一行中出生一切刹微塵數身一一
 身普入一切法界門一一法界門一切佛刹
 中隨眾生心說諸妙行一切刹一一塵中悉
 見無邊諸如來海一一如來所悉見徧法界
 諸佛神通一一如來所悉見往劫修菩薩行
 一一如來所受持守護所有法輪一一如來
 所悉見三世一切如來諸神變海而我云何
 能知能說彼功德行善男子此眾會中有一
 夜神名普救眾生妙德汝詣彼問菩薩云何
 入菩薩行淨菩薩道時善財童子頂禮其足
 繞無數而殷懃瞻仰辭退而去

十七

大方廣佛華嚴經卷第六十九 首見

極楚之華切 臨馭魚棟切 嬪御獸切 騎從其記切